



BOSNIA AND HERZEGOVINA MINE ACTION CENTRE

Broj: JN1/03-50-5-33/19
Sarajevo, 02.07.2019. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 70. st. (1), (4) i (6) Zakona o javnim nabavkama («Službeni glasnik BiH», broj 39/14), na preporuku Komisije za javne nabavke (u daljem tekstu: Komisija) broj: JN1/03-50-5-33/19 od 01.07.2019. godine, v.d. direktor Centra za uklanjanje mina u Bosni i Hercegovini- BHMAC (u daljem tekstu: Ugovorni organ), donosi:

ODLUKU

o izboru najpovoljnijeg ponuđača u postupku javne nabavke materijala za čišćenje

Član 1.

(Predmet Odluke)

Prihvata se Preporuka Komisije broj: JN1/03-50-5-33/19 od 01.07.2019. godine i ugovor za javnu nabavku materijala za čišćenje dodjeljuje najpovoljnijem ponuđaču: „Defter d.o.o. Sarajevo“, za ponudenu cijenu u iznosu od od **8.461,00 KM bez PDV-a**, odnosno **9.899,37 KM sa PDV-om**.

Član 2.

Izabrani ponuđač je dužan u roku od tri dana od dana zaprimanja ove Odluke dostaviti original ili ovjerene kopije onih dokumenata koje nije dostavio, a koji su traženi u tenderskoj dokumentaciji.

Član 3.

(Prijedlog ugovora)

Prijedlog ugovora dostavit će se na potpis izabranom ponuđaču u skladu sa članom 89. Zakona o javnim nabavkama BiH.

Član 4.

(Objava Odluke)

Ova Odluka objavit će se na web-stranici BHMAC-a, www.bhmac.org, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

(Stupanje na snagu)

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

OBRAZLOŽENJE:

Postupak javne nabavke pokrenut je Odlukom o pokretanju postupka javne nabavke broj: JN1/03-50-5-33/19 od 28.05.2019. godine.



Obavještenje o nabavci je objavljeno na Portalu javnih nabavki broj: 1407-7-1-26-3-10/19 od 06.06.2019. godine.

Javna nabavka je provedena putem konkurentskog zahtjeva za dostavu ponuda. Kriterij za dodjelu ugovora je najniža cijena kao što je predviđeno tačkom 11. predmetne tenderske dokumentacije.

Rješenjem broj JN1/03-50-5-33/19 od 06.06.2019. godine imenovana je Komisija za nabavku materijala za čišćenje za potrebe Centra za uklanjanje mina koja je provela predmetni postupak.

Krajnji rok za dostavljanje ponuda je bio 20.06.2019. godine u 11:00 sati, a javno otvaranje ponuda je izvršeno istog dana u prostorijama Centra za uklanjanje mina u BiH na adresi Tvornička 3, sa početkom u 11:30 sati što je konstatovano Zapisnikom sa otvaranja ponuda broj: JN1/03-50-5-33/19 od 20.06.2019. godine, a u istom je utvrđeno sljedeće:

- da je ukupan broj pristiglih ponuda, tri ponude
- da je broj blagovremno pristiglih ponuda, tri ponude

Dostavljanje Zapisnika sa otvaranja ponuda broj: JN1/03-50-5-33/19 izvršeno je prema učesnicima postupka nabavke u zakonskom roku.

Nakon izvršenog otvaranja ponude i čitanja cijena navedenih u obrascu za cijenu ponude, Komisija je pristupila analizi dokumentacije priložene uz ponudu u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima. Kriterij za dodjelu ugovora u postupku javne nabavke je najniža cijena.

Komisija je utvrdila da su sve navedene ponude prihvatljive za ugovorni organ i iste mogu biti predmet vrednovanja shodno utvrđenim kriterijima u Obavještenju o nabavci, odnosno tenderskoj dokumentaciji. S obzirom da je predmetnom tenderskom dokumentacijom predviđeno provođenje e-aukcije, u sistem e-nabavke unesen su sve prihvatljive ponude. E-aukcija je provedena u skladu sa odredbama Pravilnika o uslovima i načinu korištenja e-aukcije („Službeni glasnik BiH“ broj 66/16) a ista je zakazana 01.07.2019. godine u 11:00 sati.

Nakon okončane e-aukcije, a u skladu sa izvještajem o toku i završetku e-aukcije (Izvještaj u prilogu), Komisija je konstatovala je došlo do promjene cijena u odnosu na početne te je utvrdila konačnu rang listu, kako slijedi:

1. Defter doo Sarajevo sa ukupnom ponuđenom cijenom u iznosu od 8.461,00 KM bez PDV-a
2. Ecotime doo Sarajevo sa ukupnom ponuđenom cijenom u iznosu od 8.046,95 KM bez PDV-a
3. Gold Mignon doo sa ukupnom ponuđenom cijenom u iznosu 9.426,80 KM bez PDV-a

Izabrani ponuđač kako je gore navedeno ocijenjen je kao najpovoljniji prema kriteriju “najniža cijena”.

Komisija za javnu nabavku je v.d. direktoru dostavila Zapisnik o pregledu i ocjeni ponuda s preporukom o izboru najpovoljnijeg ponuđača broj: JN1/03-50-5-33/18 od 01.07.2019. godine.



V.d. direktor u provedenom postupku ocjene ponuda nije našao nepravilnosti ni propuste u radu komisije, te je izbor najpovoljnijeg ponuđača izvršen u skladu sa Zakonom o javnim nabavkama i podzakonskim aktima.

POUKA O PRAVNOM LIJEKU:

Pouka o pravnom lijeku: Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke shodno članu 101. stav (5) Zakona. Žalba se podnosi u dovoljnom broju primjeraka, a koji ne može biti manji od tri.

v. d. Direktor
Saša Obradović

